

甲子改派淮鹽三十四萬餘金給宣大鹽引九十萬有奇

丙寅議邊防

丁卯嚴覈山東西真保等路兵備兵巡各及有司治狀蓋虜患備內

戊辰祈穀玄極寶殿光祿寺少卿陳叔願等十四人不陪祭
謫外糾儀御史來聘鄭光溥失糾廷杖謫聘丹稜知縣溥澄
城知縣

撫治鄖陽右僉都御史張岳改巡撫山西

丙午山西交城縣地又震

癸未改沙河城曰鞏華

甲申免耕藉田

起馬理南京光祿寺卿

辛卯設諸陵祔享妃位紙牌祭訖焚之

狼入平涼城

壬辰遼東總兵官李鳴鳳劾免

黔國公沐朝輔訴有司更制侵職甚及庄田家事上申舊


制毋軼

二月丙申七陵工竣遣祭

國權

嘉靖二十二年

三



賜故寧夏總兵官姜漢祠曰憫忠

署都督僉事卻永總兵官鎮守宣府趙忠總兵官鎮守遼東
乙亥妖人段朝用論死朝用假丹術于郭勛見 上授紫府
宣忠高士已改羽林衛千戶改紫府宣忠散人乘勛獄脅其
奴十萬金行賄不應掠繫之死懼敗奏奴行刺而致斃仍署
銜羽林衛千戶 上怒下鎮撫司議沒其妻子財產即瘦死
庚子巡撫甘肅右副都御史底蘊卒
壬寅賜嚴嵩銀章曰忠勤敏達以識密奏
改保定分守總兵為鎮守增龍泉故關叅將

山西潞安星隕聲如雷


三月乙巳朔太原地震有聲旬日

庚戌起樊繼祖工部尚書兼右副都御史採木湖廣其四川
專于滿鑑

癸丑兵部舉堪大將咸寧侯仇鸞前署都督同知何卿前署
都督僉事沈希儀鄭卿霍塽提督操江伏羗伯毛漢前署都
指揮僉事尤聚請徵之報可毛漢仍操江

乙卯起萬鏜右副都御史勘湖貴夷情開府辰州

辛酉南京兵部尚書王堯封勒免



癸亥仇鸞僉書左府

甲子定御史試秩一年實授時右副都御史周煦等以試御史喻時等請蓋僅四月非制也切責之

戶部奏宣大三閔自去秋九月至今已輸客兵銀百七十四萬金有奇主兵粟二十有五萬石乞邊臣控敵毋藉口餉匱上然之

乙丑南京吏部尚書張邦奇改南京兵部尚書
戊辰諭兵部召莊浪前都督魯綱兵赴總督所
辛未延綏督糧僉事王訥言以苛覈游兵芻餉以致譁吵事

聞削籍

癸酉毀禁城北大慈恩寺驅番僧


先是內官監太監高忠嘗譴繫掖庭獄雖釋俄宮變上疑甚及忠以大享殿定礮聞改定頂上以欺罔即定礮何諱也命法司論斬數日刑部請下之獄宥之自是文牒仍定礮徐學謨曰自古臨文不諱嘉靖末凡奏上冊牘即點畫間多尤避忌此或群臣諂事之過上未必屑計較也

甲戌召巡撫遼東孫禴治餉郎中張天麟以相忤妨邊計也鎮守兩廣少保安遠侯柳珣卒

國權

嘉靖二十二年

五



宣府總兵卻永出塞襲李家庄虜雖數百屬朵顏部不通諸
大營狡而善射不為大營困至是斬四十餘級
四月戊寅寧夏副總兵陶希高以報工失實戍原衛
乙卯南京工部尚書宋景政南京吏部湖廣左布政使顧遂
為右副都御史巡撫遼東
命總督陝西楊守禮調游兵赴宣大
庚辰御史戴維師擅笞兵馬指揮鄭思賢金夏捐其牙牌被
許謫維師江西布政司都事亡何吏部調思賢夏州同知蓋
畏上嚴明莫敢魚肉之也

福興泉漳地震

禮部尚書張璧至自南京大學士嚴嵩解部事

癸未給事中林廷壘報命罷建兵州用兵懸賞購叛酋那噶

甲申山西副察副使陳燿僉事趙瀛前坐失事降燿萊州同

知瀛鄖陽通判

乙酉南京太僕寺少卿詹榮為右僉都御史巡撫甘肅

嚴撫按薦舉及境內人才之禁吏科給事中周怡言湖廣巡


撫陸杰薦官吏又考察閑任廖道南預焉宜重其事從之置

杰不問

國權

嘉靖二十二年

六



丙戌雷霆洪應殿成

丁亥遼東鉄嶺衛火

乙未安南入貢減其宴賜以降都統司不得列陪臣也

己亥固原隕霜殺麥

庚子前戶部右侍郎張璉卒耀州人弘治壬戌進士授行人

拜御史不畏強禦居官累有聲

辛丑錄九經性理大全藏皇史宬

五月丙午上禱雨內殿至是大雨群臣表賀

定湖廣所部清浪鎮遠五開平溪偏橋五衛軍生寄學貴州

者鄉試貴州

署太常寺禮部左侍郎金贊仁其徒太常寺丞陳日暹婪剝

侵官帑又娶婦私壇地下獄贊仁削籍自暹永成邊

壬子南京右副都御史胡訓為南京工部尚書

丁巳陝西廊耀大冰雹如雞卵

壬戌兵部兵部右侍郎王以旂為南京右都御史

癸亥巡按湖廣御史史褒善以承天太監傅霖訐其茹吹震


陵寢謫滁州判官

甲子五星逆入氐宿三十七日

國權

嘉靖二十二年

七



丙寅增三關墩臺

戊辰巡撫順天侯綸為兵部右侍郎

前大理寺卿汪文盛卒直隸棗強人正德辛未進士自饒州推官至兵部員外郎阻南巡杖謫才具敏贍功名自喜其撫雲南招撫莫氏方略亦足稱也

千戶火力赤襲虜至豐州灘北值牧虜斬虜二十三級奪械馬若干將入塞追及頗失去 上嘉其功勞以金幣

六月乙亥初江西宗室賀朝俱弋陽王邸中至是建安王宸瀟請歲時自邸行禮不許戒諭宗室務遵祖訓

丙子南京大理寺右寺丞許論為右僉都御史整飭薊州邊

備兼巡撫順天

南京侍讀黃佐為右春坊右諭德兼脩撰同禮部左侍郎費

案纂脩玉牒

辛巳禮部尚書許紳卒贈少保謚恭僖

平江伯陳圭為提兵官鎮守廣西署都督僉事王縉為提兵

官鎮守陝西


壬午裁冗官以添注者填補

癸未免鳳陽水災田租

國權

嘉靖二十二年

八



甲申分巡濟南道兼兵備存問大學士賈詠年八十復少保

乙酉大虜駐牧河套初歲四月出套東渡

戊子命兵科給事中楊上林御史沈越覈京衛京營官匠冗濫尋奏革外戚指揮使等七十一人諸衛指揮使等三千六百五十人冗軍五千人

己丑肅府金壇王真洵奪歲祿以外戚張瑞論死劫出之

戊寅顯陵工竣召工部右侍郎陸杰


甲午占城國王沙日底齋來貢

丁酉安南莫福海遣宣撫同知阮敬典上表謝賜文綺

辛丑禁士民冠服詭異

壬寅吏部尚書許讚以翟鑾私禮部主事張惟一求銓部嚴嵩私監生錢可教求東陽令并所託文選郎中王與齡書上之乞省戒二輔鑾等各引罪自理嵩直諉書非臣出 上乃責讚果清絕亦不必許奏王與齡協持之耳與齡削籍謫負外郎吳伯亨主事李大魁周鈇下可教鎮撫司吏科給事中周怡疏大臣互爭不能率下責對狀杖之下獄與齡辭朝還邸舍遺鄰人瓶盜徑上馬去當事不能中也

設事遷曰靈寶處統均之地既能持正勢可自由一切干



預可絕也必橋指閣臣以為名如國體何不可則古止大

臣之道其後濡忍于朝獨不欲留面耶

七月甲辰朔分遣樂舞生祭帝王先聖陵墓

命禁僧尼是月寧夏地震丙午金星晝見

己酉侍讀華察右春坊右中允兼脩撰閔如霖主試應天

癸丑久旱上禱于霄壇是日大雨遂示群臣感雨詩

甲寅武靖伯趙世爵卒

辛酉海西夷人都指揮僉事王中為都督僉事

壬戌調南京祭酒龔用卿

免鞏昌蘭靖伏羗會寧早租

戊辰萬壽節建醮朝天宮七日白鶴四十舞于空張溶以聞

前禮部尚書溫仁和辛四川華陽人弘治壬戌進士授編修

忤瑾改戶部主事後擢侍讀至今官素醇謹上欲大用之

忤時宰去進退不失軌贈太子太保謚文恪

壬申許寶授中書舍人陸煒應鄉試錦衣都督炳之弟

丙子山東泰安知州馬逢伯獻瑞麥佳禾西苑獻瑞穀

丁丑復孫禴巡撫遼東


己卯左春坊左中允秦鳴夏左贊善浦應麒主試順天

俱兼脩撰

國權

嘉靖二十二年

十



壬午萬壽節 上拜天玄極寶殿不賀

己丑初顧遂巡撫遼東代孫禴不即任降山東左叅政

辛卯右春坊右諭德黃佐為南祭酒甲午薦瑞麥嘉禾于玄極寶殿

丁酉福建按察僉事侯廷訓婪苛削籍

戊戌審決刑部主事戴梗吳元璧呂顛審決兩畿江南北以牒往失對外號蓋故事刑部編決囚外號印給各郡至遣官領牒對內號簿而行至是梗等失驗內設遂與外籍異同被劾謫梗順德元璧揚州顛河南俱通判

虜犯延綏深入至綏德游擊張鵬俱走之總兵吳英等追至塞外適東路叅將周文夾擊敗之斬百餘級
建州那碯入犯敗之


辛丑夜不見北斗旦四星見北方子位餘三星漸地出見玄枵

九月庚戌免吉安烏程水災田租

辛亥南京大理寺卿李顯曠歲不至削籍

戊午免應天廣德建陽水災田租

御馬監太監孫銘以故太監周紳從子千戶天祿蒼頭周太乙求指揮等官不許詔武職非軍功乞陞者重罪之



上覽山東程錄第五策北虜內侵禦應失策爵賞冗濫征求
四出財竭民困為言下禮部參議南書張璧等言今歲虜懾
于天威乃不歸上功而以飽虜為詞宜罪嚴高以首義繼
體之君德非令主尤謗訕于是監臨巡按御史葉經提調潘
司陳儒參政張臬監試副使設愷潘恩等同考教授周鑛李
弘教諭劉燁陶悅胡希元程南吳紹曾葉震亨胡僑俱下獄
經杖八十削籍遂卒經嘗劾嚴嵩也陳儒劾宜君典史
徐學謨曰葉經嘗論嵩奸貪至是乘机下石不然各省試
刻文俱屬御史考官不與上何從知之也又論語義原

情江南一名士為之欲以釣奇而卒以賈禍亦可悲矣

林之盛曰葉經于試錄中刺論時事人謂其無補于用適
以殺身不知諫有五術諫居其一曰者上閱順天錄有
感于權不下移語嘉納之則此一納約自牖之說也

庚申總理應天糧儲右都御史喻茂堅為南京大理寺卿
命移遼東金州兵備僉事于開原


壬戌榆林衛降人白世拳斬虜一級來歸援授百戶
戊辰長巡撫保定丁汝夔改總理糧儲巡撫應天

上諭停刑

國權

嘉靖二十二年

十一



辛未前南京右都御史何塘平安徽懷慶人弘治壬戌進士授編修忤瑾去後起官出開州同知遷東昌嘉靖初拜山西提學副使至今官孝友峻潔志慕古人隆慶初贈禮部尚書謚文定

十月壬申朔議廟制一奉 睿廟統于都宮拓舊之門街一奉 睿廟近內廟與都宮統一命再議請 睿 二宗並一廟為昭 上問題額稱昭第一第二第三穆亦如之 上以牽泥舊文 世序未見考折寢之 泰安縣地震

乙亥應天尹吳瀚為都御史巡撫保定兼提督紫荆等官


戊寅撤宣大防秋兵

己卯作大亨神御殿

甘肅天鼓鳴

工部增營膳司員外郎中二人治琉璃窰

進提督陝西楊守禮太子少保巡撫延綏張聽兵部右侍郎提兵官吳英都督同知守禮好武任氣每防秋親赴塞垣夜間視虜不得盜塞益募降胡梟騎襲取近塞帳遣死士任勇等數人以舟渡套絕河潛行胡中至偏關而還獲甲首三亡



一人薦勇于朝然方亦好飲或方之李布

庚辰免真定水災田租

辛巳蒙京榜竄籍貢士餘姚錢仲實慈谿張和為禮科給事

中陳棐所劾又陸光祚毛廷魁陳策隨任得免其鄭夢綱陶

大壯沈譜丁子載陸可承翟鍾玉俱奪貢士回籍

癸巳釋安南偵者杜文壯嘉靖十六年下廣東按察使獄

甲子 上偶疾廷臣上起居

免開封水災田租

丙申吏部考功郎中胡鯨稽勲郎中李愷劾免命于各部訪

舉調補

前南京右副都御史趙載卒垣曲人正德辛未進士嘗撫甘

肅易荒裔為雄鎮人甚賴之

丁酉庶吉士董份潘仲驂高拱陳陞嚴訥高儀為編修王才


熊彥臣裴宇陳以勤梁紹儒晁璠為檢討

己亥左春坊左庶子兼侍讀童承叙卒字古疇沔陽人弘治

己未進士授部戶主事歷郎中出守兗州忤魯藩逮下獄調

桂林嘉靖初進士選館壬午授編壬辰謫司業己進今官壬

午予告



乃采顏三衛夷寇墓田谷殺守備陳舜副總兵王繼祖擊斬三十餘級

十一月壬寅庶吉士呂時中徐養正葉堂王校何光裕何雲鴈楊宗氣為給事中王三聘王言蕭端蒙張鐸徐南金王應鐘曹汴為南御史

癸卯御史王德溫舉劾泛濫謫松江推官

丙午禮部右侍郎兼侍講學士馬汝驥卒字伊房綏德人正德乙丑進士授編修阻南巡廷杖謫澤州上初復官歷南祭酒工文詞明習典故沉毅有大節贈尚書謚文簡

丁未宣大事寧召總兵官張鳳督餉侍郎趙廷瑞等入朝翟鵬解督山東河南軍務


庚戌召京吏部右侍郎許成名于禮部

癸丑同州地震

甲寅兵部郎中楊博為山東提學副使

壬戌復太廟舊制前為太廟後為寢又後為祧時禘祭享奉太祖南向各廟同堂而序 睿廟與焉禮畢奉主各歸寢

貴州監臨官巡按魏洪冕削籍蓋試錄外刺也布政使侯緘降雲南副使布政司叅議翁學淵降真定通判按察副使王



積降兩浙運副僉事施昱降茶陵州同知教授楊伯元等降

鹽課大使

甲子太監高忠工部尚書甘為霖提督太廟工

十二月壬申增北樓口游擊應州南路叅將

甲戌祈雪于雷霆洪應殿

採木事竣進工部尚書樊繼祖太子少保右都御史潘鑑工

部尚書還里需次戴金為右副都御史仍署大理寺餘賜金

幣有差

乙亥勘處湖貴夷情右副都御史萬鐘言苗首龍求兒等雖

就撫其黨龍朗七等流劫如故宜兵之 上命酌機勦撫

丙子司業江汝璧為左春坊左庶子兼脩撰纂脩玉牒

庚辰吏部推河間通判周鈇為南京吏部主事 上以鈇謫

任未四月何驟也責尚書許讚對狀引罪奪俸二月文選郎


中鄭曉謫和州同知其已遷官陳叔願周卿吳會期陳冠林

廷琛費完李大楫王一言李天然楊祐劉昭文蔡黻咎如思

洪廷桂李大魁高佐皆以速進削籍

辛巳永順保靖土兵進攻蜡爾山苗明年三月斬獲七百七

十有奇俘三百餘



乙酉免蘇松常鎮水災田租

陝西獲虜諜張存仁等五人詔斬以殉

丙戌毛憐衛降夷十三人安置兩廣

丁亥夜木星犯房北第一星

湖廣提兵新寧伯譚綸坐贓罪下法司

己丑復去輔夏言故銜致仕

巡撫寧夏張珩為兵部右侍郎兼右僉都御史提督陝西三

邊軍務

庚寅順天治中嚴世蕃改尚寶司少卿嵩之子

辛卯雪百官表賀

禁朝覲官徧謁大臣

壬辰劉恂李樂甄成德孟廷相羅崇奎游震得查秉彛劉學

易王堯日張秉壺萬虞愷為給事中藍濟卿劉存德黃加桂

張坪黃洪毗盛唐金志袁鳳鳴張雨谷嶠繆文龍張詔毛孔

剛為試御史成得震得虞愷文龍志詔孔剛並南京

命黜武學冒籍者


甲午封典樸伊王載圭東昌王致楫肅寧王寵游長陽王厚

堯洛川王

國權

嘉靖二十二年

十七



國權

嘉靖二十三年甲辰

正月庚子朔 上不視朝

壬寅火星犯房宿北第一星

癸卯韓府通惠王融沈薨夜火土星聚房宿

丁未總督宣大侍郎翟鵬欲盡徵延綏薊州遼東之兵防守

宣大兵部謂各鎮有警計將安出遂止調延綏二游兵

庚戌置錢糧簿籍朝覲各官領還聽巡按御史稽考

國權


嘉靖二十三年

一

乙未陝西右布政使李士鷗為右副都御史巡撫寧夏
丙申旌石州孝子貢士張鈞辛丑虜難鈞馳騎救父中流矢
至則父已死哀毀三日而卒同時烈婦白氏等共十三人

鹽官設遷孺木著

國家圖書館, NATIONAL CENTRAL LIBRARY, TAIWAN, R.O.C.



癸丑仁和長公主薨

吏部大計降斥有差

甲寅發十六萬餘金於宣大山西備犒

辛酉作嘉靖通寶制錢如洪武

癸亥虜寇甘州土官百戶馬能說總兵楊信以魯迷等國留使九十一人禦之馮亦阿力等九人死事聞信免下馬能於

理歸死者之喪

乙丑總督宣大翟鵬請大臣督餉 上從部議令鵬兼理餉

丙寅宣府旱饑發京粟十萬石於懷來給吏卒

故刑部右侍郎林鶚贈尚書謚恭肅

虜白通千餘騎寇黃崖関我兵敗之

前太子太保南京兵部尚書秦金卒江南無錫人弘治癸丑

進士授戶部主事歷撫湖廣有平徭功老識練事有大臣風


節贈少保謚端敏

丁卯大理寺左少卿邱養浩為右僉都御史巡撫四川

脩撰周文炳為司業

戊辰侍讀華察為侍讀學士署院

發六十萬金于宣大備餉



涼州衛火

咸寧侯仇鸞提兵鎮守甘肅

二月辛未提督鴈門等關兼巡撫山西李珣疾歸

調兵部右侍郎侯綸南京免貴州巡撫彭年

南京河道御史包節追劾辛丑主試官尚書溫仁和分試官

編脩稽世臣賄私貢士徐履祥陳志潘仲驂又及左庶子章

承叙右贊善郭希顏編脩袁煇並不堪典試上不問

大同巡撫趙錦甘肅巡撫詹榮各易鎮時錦與提兵周尚文

不協故移之

壬申薊鎮提兵署都督僉事祝融卒遼東前屯衛人善撫吏

卒又廉慎亦良將也嘗禦敵于少却立斬以徇左鎮三年虜

馬不敢南牧薊人立祠祀之

丙子巡撫山東曾銑改提督雁門等關兼巡撫山西

禮部尚書兼學士張潮左春坊左庶子兼脩撰江汝璧主試

禮闈

戊寅虜白通復寇大水峪被射死


辛巳金星晝見

壬午巡撫陝西路迎為兵部右侍郎巡撫雲南劉渠移貴州

國權

嘉靖二十二年

三



進右副都御史

甲申禮部尚書張潮卒于禮闈內江人正德辛未進士授編脩歷令官

順天府丞端廷赦為右僉都御史巡撫山東

戊子陝西左布政使翁萬達為右副都御史巡撫陝西

癸巳祈穀大高玄殿禁屠停刑七日

丙申工部尚書潘鑑改兵部尚書提督兩廣軍務

三月己亥朔禮部左侍郎費霖為禮部尚書

甲辰施藥朝天宮禮部左侍郎孫承恩錦衣衛指揮使陸炳

提督

四 褫隆平侯張瑄娶失行婦邱氏又奪蒼頭婦并死之狀爵瑄
聞邱氏論死

乙巳左春坊左庶子江汝璧為少詹事兼學士署院

癸丑策貢士瞿景淳等三百十七人賜秦鳴雷瞿景淳吳情

進士出身有差

復郭希顏右春坊右贊善兼檢討


宣府脩邊卒值虜五百餘騎寇龍門所總兵官卻永自滴水


崖會叅將劉環等夾擊于盤道墩斬十五級又追斬三十六

國權

嘉靖二十三年

四





級進翟鵬兵部尚書邵永都督同知

甲寅 上以安靜設醮謝上帝停刑十二日

丁巳夜火星入斗

戊午右副都御史周煦卒

左贊善浦應麒免以北闈私貢士馬鑾等給事中呂時中劾

之鑾等削籍

訪絕力之士

四月己巳朔辰州知府許慎改禮部主客員外郎吏部尚書讚之子任中府經歷陞讚以年衰便省親

承運庫太監任舉派浙直織幣值三十萬金部議三年遞完

報可

丙子泰安縣大雨雹傷稼

丁丑巡撫保定吳瀚劾免

南京太僕少卿張袞為南京光祿寺卿

戊寅孫秉元嗣懷寧侯趙國斌嗣武靖伯劉良璽嗣寧晉伯

前戶部尚書張雲卒信陽人弘治壬戌進士贈太子少保

夜木星犯房北第一星

壬午刑部左侍郎葉相致仕

國權

嘉靖二十三年

五月戊戌朔刑部右侍郎屠僑為左侍郎南京大理寺卿喻茂
堅為刑部右侍郎

壬寅提督操江伏羗伯毛漢提督漕運鎮淮安

癸卯提督南糧右僉都御史魏有本為南京大理寺卿

甲辰南京禮科給事中游震得陳東宮出閣就講等事宜

上然之

丙午遼東提兵官趙國忠落職都督同知巡撫孫禴鑄二級

初建州李撒赤哈等犯邊入鴉鶻關誘官軍入伏都指揮康

雲敗沒都揮揮趙奇佟勳把總王鎮援之皆死

丁未安南都統使莫福海入貢

己酉再覈戚畹冒濫及冗官

庚戌撫治鄖陽右僉都御史王守改提督南糧

辛亥夷李哈尚素朝貢偵報虜情副提兵李景良乘其入

市囚之巡按御史賈大亨懼激變以聞

勘處湖貴夷情右副都御史萬鐘初討銅仁鎮草叛苗不克

知鎮溪土指揮田應朝苗所信也今任巡捕應朝少辰州諸


生巧黠多詐至是益橫征則殺良撫則脅賄故久無功一日

召苗渠帥必索質以千戶某往渠帥龍求兒來見誅之苗亦

國權

嘉靖二十三年

六



殺千戶復遣監司招賊給魚鹽口糧渠帥龍許保予冠帶鐘
遂上善後事宜班師召鐘入朝被劾郭子章萬尚書班師
後貴苗復叛則功誠難言矣永昭編年錄云萬倚分宜故功
賞遷叙有功予讀楊蒲坂太宰獻納稿萬尚書與江中丞贈
官議曰尚書趙鐘為趙文華事見惡于嚴嵩都御史江潮為
張寅之獄見誣于郭勛輿論相同誠為冤橫故萬鐘得贈太
子太保江贈兵部左侍郎國史野論其不同有如此
丙辰浙江左布政使歐陽必進為右副都御史撫治鄖陽
定分守分巡官徧歷郡縣

辛酉大理寺左少卿董珊為右僉都御史巡撫遼東


壬戌劾免漕運總督伏羗伯毛漢

乙丑前府都督僉事劉壘提督漕運鎮守淮安

林之盛曰吾人晚節當愈細愈嚴不然將為人口實劉公
清若未變于初也徒以祿入既豐而輿服稍踰民遂謠曰
昔為青菜劉今為黃金壘吁可畏如此哉

丙寅召前松潘副總兵何卿疾辭奪都督銜勒赴部

六月戊辰朔故南京禮部左侍郎王瓚謚文懿
徵延綏奇兵三千人戌宣大



甲戌前少保武英殿大學士方獻卒廣東南海人弘治乙丑
進士授禮部主事議禮至大拜其視桂萼輩稍和平然亦不
肯降下持易退之操居家教與郡國競毀譽半焉贈太保謚
文襄

乙亥夜火星入箕逆行

丙子巡撫順天許論疾歸

戊寅免鳳陽旱災田租

汰團營兵成國公朱希忠請留許之

己卯安南莫福海遣宣府同知段師直上表謝

壬午望月食

癸未光祿寺卿王相為右副都御史整飭薊州邊備兼巡撫

順天御史舒汀劾免

己丑岷王彥汰薨

丙申霖雨不止命順天尹禳之

七月戊戌朔前戶部尚書李廷相卒山東濮州人弘治壬戌進

士授編脩後忤瑾調兵部主事瑾敗復官至大用贈太子少


保謚文敏

庚子大理寺右寺丞朱方為右僉都御史整飭薊州邊備兼

國權

嘉靖二十三年

八



巡撫順天

辛丑河南右布政使維昂為右副都御史巡撫河南

刑部尚書聞淵滿九年考進太子少保

陝西提兵官都督同知魏時卒贈左都督

丙午改周用兼右副都御史提督漕運兼巡撫鳳陽

己酉提督兩廣軍務兵部尚書潘鑑疾歸

免甘肅秦金靖虜諸衛旱災田租

增大同破虜滅虜寧虜殺胡拒胡威虜迎恩各堡守備官

翟鵬言虜嘗避實擊虛今知大同有備必移犯宣府或由以

窺京師宜預計之兵部覆議徵兵將

進萬鐘兵部右侍郎入朝

壬子平涼地震

癸丑久霖雨設醮祈上帝


庚申徵太倉太僕寺各十萬金入內

辛酉虜謀劉天柱入京捕誅之

壬戌前詹事府陸深卒江南上海人弘治乙丑進士授編修

歷祭酒經筵抗奏謫延平同知後累進今官辨博宏偉多所

著述贈禮部右侍郎謚文裕



癸亥設鳳陽治農通判

罷南京刑部尚書顧璘

定各邊勘功期限量地遠近為差凡山西宣大薊遼期一二

月陝西湖廣期三四月甘肅川廣雲南期六七月踰者罪

甲子免福興漳泉災田租

丙寅起韓邦奇右副都御史提督河道巡撫江西張岳為右

副都御史提督兩廣軍務兼理巡撫

虜入大同前衛總兵官周尚文擊敗之于黑山斬五十餘級

八月丁卯朔秉一真人少保禮部尚書陶仲文進少傅兼少保

友正一品祿塔吳濬孫陶良輔並太常寺丞

戊辰日本國貢期十一年先是己亥來貢今又貢非期卻之

己巳進嚴嵩太子太傅

辛未天下多災傷太倉積四百萬石遂折漕十之三仍賑飢

壬申內苑嘉禾零壇靈黍生

巡撫四川邱養浩移江南

癸酉免順天永平保定河間順德大名災租


癸未增山西潞安通判一

起唐龍南京刑部尚書應天府尹戴儒為右僉都御史巡撫

國權

嘉靖二十三年

十



順天

九月己亥廣西土舍黃球黃寧等奏事用印以未嗣職命釐正

起王大用右副都御史巡撫四川

右春坊右諭德王用賓為南祭酒

辛丑萬全都司地震夜月犯星宿

壬寅戶科給事中徐養正上馬政六事禁馱載草古用練軍

實擇統領嚴賞罰重操練議行之

免浙江杭州嘉興金華台衢田租

癸卯前太子太保兵部尚書王廷相卒河南儀封人弘治壬

戌進士遂于經術隆慶初贈太保

乙巳寧夏地震

召貴州總兵官沈希儀不至奪都督銜勒赴部

丁未吏部尚書許讚兼文淵閣大學士禮部尚書張璧兼東

閣大學士並直閣然不入西苑應制嚴嵩事取獨斷不復相

問白讚等默、嘆曰何必奪我吏部使我旁睨人

提督兩廣軍務兵部尚書兼右都御史潘鑑卒安徽婺源人


賜進士出身有節操精勤職業撫蜀平番寇採木再起家盡

瘁士論稱之贈太子太保謚襄敏

國權

嘉靖二十三年

上



己酉周府堵陽王同絃薨

壬子免臨洮電災田租

賑湖廣時飢甚岳州知府陸邛不待報發帑金易粟活者亡
筭巡撫御史伊敏生始疑其擅而巡他郡飢民哀籲入岳州
寂如乃更薦之

丙辰兵部尚書右都御史熊浹改吏部尚書禮部尚書費霖

回部

魯府信陽王健杜薨

丁巳署都督同知張經總兵官提督江淮巡捕

戊午進嚴嵩兼吏部尚書謹身殿大學士

額武舉四十人

己未前刑部尚書錢如京卒

庚申榮府惠安王厚焮薨

十月戊辰周用為左都御史還院

免開封衛輝懷慶彰德汝寧南陽田租

庚午追罪宣府叅將賈英論死


壬申虜將犯宣府命備之

甲戌戶部左侍郎王睟為右都御史總督漕運兼巡撫鳳翔

國權

嘉靖二十三年

十二



王良輔為署都督僉事總兵官鎮守貴州

東官廳總兵官許國往守天壽山懼虜窺陵

甲午右副都御史戴金為兵部尚書

十一月丙申朔廣東右布政使顧遂為右副都御史巡撫南贛

汀漳提督軍務

戊戌禮部左侍郎孫承恩改吏部左侍郎

庚子諭禮部擒叛銷氛俱朕禱玄之功即設醮謝上帝秉一

真人禮部尚書陶仲文加少師其少保少傅如故自後南北

告捷俱謝玄

設遷曰文成五利不分衛霍之績靈素三清未預平遠之

賞今虜氛日惡羽報旁午神如有靈何不逆止之也何物

鼠輩二十年祝釐借酬帟幄並列三狐人主溺于所好一

至是耶


壬寅前南京兵部尚書張邦奇卒浙江鄞縣人弘治乙丑進

士授檢討嘗出補湖廣四川副使歷今官好學篤志端潔養

恬贈太子太保謚文定

癸卯前吏部尚書歐陽鐸卒江西泰和人正德戊辰進士授

行人歷工曹南光祿卿以文學操履名贈工部尚書謚恭簡



甲辰禮部右侍郎許成名為左侍郎祭酒徐階為兵部右侍郎右僉都御史劉訥為大理寺卿
丙午以擒叛人王三遣官告謝南北郊太廟社稷及景神殿
罷賀


戶部右侍郎汪元錫卒
己酉戶部左侍郎鍾芳卒

乙卯總督翟鵬巡撫朱方下詔獄永成方廷杖八十卒鵬至
河西務假宿民舍不留訴于鈔關主事杖其居民居民告厥
衛復逮獄卒

丙辰戶部右侍郎閔楷為左侍郎改南京戶部右侍郎夏邦
謨于戶部提督操江右僉都御史楊行中佐院
召南京祭酒王用賓于國子監進嚴嵩為少傅

十二月寅丙裁南京冗官工科給事何雲鴈接宣府功罪
己巳巡撫延綏張聽改南京戶部右侍郎大理左少卿傅炯
為右僉都御史提督操江 甲戌申定郵典事例
錦衣衛指揮使陸炳閱視廟工兼提官軍

壬午右副都御史翁萬達為兵部右侍郎總督宣大理軍餉
乙酉寧夏後衛燬芻二十萬束詰吏卒奪郎中侯珮俸



國權

嘉靖二十四年乙巳

正月乙未朔 上不視朝

丙申禮部上諸司賀表字有訛奪儀制郎中汪集俸二月

戊戌初巡閱御史李秀春劾靈壽知縣羅章調簡邑人伏闕

留吏部言保留或未盡公但巡閱視巡按專察不同容風聞

失實于是定摠督清軍巡閱等上論列所屬毋混及

乙巳錄 二祖列聖御集聖學心法九經性理大全二十一

國權

嘉靖二十四年

一

庚寅封恬焯鎮康王允柯稷山王謨塾慶陽王勤灰魯陽王

賓清石泉王宇淵承休王克焯和川王載溶都昌王

壬辰南京刑部尚書唐龍改南京吏部尚書廣東提學副使


程文德為南京祭酒

河南左布政使何相為右副都御史巡撫陝西

甲子禮部請元旦受賀不許諭各竭職務則天下自安仍如


今年例行

藍官設遷孺木著



史成賜輔臣金幣校錄官右春坊右庶子楊維傑為左庶子
兼侍讀右中允閔如霖為左諭德右贊善郭希賢為左中允
編修孫陞為右中允吳山為左贊善司業周文燭為右春坊
右中允騰錄官太常寺卿張電進通政使尚寶司少卿設相
進光祿少卿餘陞轉有差
城鎮羗四堡巡撫詹崇又于弘賜諸堡之北添設以相犄角
共築鎮羗拒牆拒門助馬云塞外四堡
丁未湖廣黃岡諸生劉文煜進瑞兔賜幣一雙鈔五百貫
靈邱地震

仍施藥朝天宮孫承恩陸炳如前命遣錦衣衛千戶百戶等
官同道錄司官賈藥赴療宣大山西
己酉楚世子英燿弑楚王顯榕英燿狎群小王娶于吳生英
燿收宮人王氏生英煥英燿淫縱見王宮人方兒悅之私蒸
于外舍王知之禁方兒北園答其狎人陶元死之居亡何王
與諸王泛湖登湖臺媼么兒侍英燿又悅之通之于湖亭明
日英燿具筐通中使其卒金與卒良輔筐么兒致之館王怒
甚發聲死二卒懼告英燿曰王怒世子之位不可保矣英燿
曰然不如我先會元夕謀置酒享王從之以力士至世子



匡力士緝熙堂後曰砲可舉也酒數進犒從人饌英耀力士
舉砲力士謝京首銅水搗王王瞿然曰耀腦出死武岡王
顯槐逃出而傷英耀以銅鞭王屍迎么兒為新妃處王宮
翊日殯長史孫立承奉張慶王獻等以暴風疾聞于監司幽
武岡王別館脅崇陽王顯休江夏王滎漢永安王顯梧東安
王滎淑保奏通山王英炊不從而王從者朱貴扶門告變事
泄巡撫車純巡按伊敏生以狀上

設遷曰春秋弑父以三見蓋鳥獍之性非人類所有也英
耀大逆始于婦人夫子易繫家人曰父之子兄弟

夫夫婦婦而家道正而國定矣緝熙堂不足儲者抑

愍王之正家非耶

庚戌冊敬妃文氏不御殿

癸丑雲南蒙自縣地震

兵部右侍郎路迎兼右僉都御史督脩宣大偏關山險夏

甲寅輸大同粟十萬石于宣府


戊午刑部左侍郎屠僑為南京刑部尚書

庚申陳瑞嗣泰寧侯

浦之浩馮懋卿王忬路可由劉瑤陳九德張洽曾佩胡彥周

國權 嘉靖二十四年

三



免張椿徐祚並為御史

辛酉朝鮮攝國事李皓以國王李婁來訃

皓係婁之弟


閏正月甲子朔刑部右侍郎喻茂堅為左侍郎右副都御史韓邦奇為刑部右侍郎

戊辰大學士嚴嵩言臣每獨蒙宣召于心未安思往歲夏言惡與郭勳同列以致生隙夫臣子比肩事主豈宜嫌異今臣希忠臣元臣讚臣璧乞同宣召如 祖宗蹇夏三楊故事報聞嵩蓋欲示厚希忠等且見言如也

吏部右侍郎張治為左侍郎兼學士署院

壬申錦衣衛都指揮同知陸炳署衛事

巡按直隸御史呂光洵言三吳之地古稱澤國西南受太湖諸水其勢卑東北際海岡隴地其勢高昔人以水下流疏為塘浦導湖水入之江海又故引江潮行岡隴外故瀦泄有法亡憂旱潦比者俱堙塞惟黃浦劉家港僅存今欲治之宜如先臣徐貫令諸湖相承接然後濬減村等港漑金壇溧港等河漑武進艾祁通波漑青浦顧浦吳塘漑嘉定大瓦等浦漑崑山許浦等塘漑常熟而上下之流俱治又蘇松諸郡所在最下難濬塘浦猶不能保諸湖無橫溢如有秋霖值風濤相



薄勢必逆行田間衝啗為害宜可令農隙各出力以脩圩岸
此非獨防潦也且以制諸水不漫行在海浪湧勢易淤澱昔
人于去江十里餘夾流為閘隨潮啟閉遏浮沙大可脩歲脩
繁費似宜儆行之誠于諸役度急緩為先後更借緡錢資贖
緩以資費又如宋范仲淹召飢民募役復專任大臣寬以歲
月若巡撫周忱在吳中功何患不成詔悉如議

癸酉遣戶部郎中李愈覈真定軍儲

甲戌兵部尚書戴金劾罷留路迎署部事

乙亥賑安徽廬滁和等飢

丙子禮部右侍郎徐階改吏部起于湛副都御史總理河道

丁丑南京吏部尚書唐龍改兵部尚書

戊寅金星晝見


己卯命朱希忠嚴嵩覲 東宮同許讚張壁熊浹

癸未詔徵山東兗州馬價三年興濟一年閔水災也

甲申叙功進摠督陝西張珩右都御史咸寧侯仇鸞太子太
保廕錦衣衛鎮撫

右副都御史戴時宗以子罪劾免

乙酉起服闋工部尚書張潤于南京吏部召南京禮部右侍



郎崔桐于禮部

廣東左布政使應大猷為右僉都御史巡撫雲南

丁亥柳震龍嗣安遠侯

戊子奇嵐州右叅將高陽永成邊衛賜與知州馮友有卻噉

中軍指揮僉事王尚武縱卒辱之分帑

己丑詔中外嚴禁奢靡從禮科給事中查秉彛之言

叙黑山功進大同總兵官周尚文右都督巡撫詹榮右副都

御史

復前雲南巡撫右副都御史顧應祥官

辛卯禮部尚書右侍郎盛端明予告

壬辰廣西桂林雨雹

癸巳續纂大明會典自嘉靖八年始總裁嚴嵩許讚張壁副

總裁吏部左侍郎孫承恩纂脩官左春坊左諭德閔如霖左

中允郭希賢右贊善吳山司直郎呂懷謝少南脩撰茅瓚檢

討林庭機編修李璣趙貞吉教銑郭朴康太和嵇世臣袁煒

黃廷用陳東光王維禎盧宗哲


二月戊戌遼東東明新安清河靉陽麟城五堡比年值虜患至

是游擊武鐘守備韓成式除名指揮常鵬等七人下臺訊降

國權

嘉靖二十四年

六



降巡撫董珊總兵趙國忠副總兵郝承恩俸各二級
總督直隸河南山東軍務兵部左侍郎張漢請選將練兵信
賞必罰得專斬大將 上不悅令再議兵部覆上凡罪將下
法司

庚子初給事中陳棐請帝王廟罷祀元世祖禮部議如之遂
徹兩京廟像并墓祭改廟祀碑

設遷曰 聖祖啟滌羶俗頤于世祖則祀之列于三五歷
代獨不明春秋之義乎哉華夷雖嚴既入我之土亦安能
外之且其都幽燕定中原非世祖始也平宋而遺安天下


者殆百年故 聖祖念其先德以祀之大哉 聖祖之為
君也必以春秋繩之舍目前之俺荅吉囊而問勝國土木
之像雖三尺之豎能之何論嚴主哉

癸卯巡撫四川邱養浩改巡撫江西劾免

甲辰議 皇太子冠禮方十歲太廟將成欲上謁

丙午命江西撫按存問前吏部尚書羅欽順年八十賜犴醴
戊申詔有司招撫流移復業給牛種墾田

丙辰禮部尚書費寀等上冠禮儀注至是又言文王年十二
而冠成王年十五而冠大明集禮酌二十五今 東宮似



早 上切責之采等以儀繁宜稍減報可

廣西古田盜常公珣等作亂

丁巳大同東路右叅將紀振殺降冒功論死

庚申裁工部都水司莞南旺閘主事虞衡司莞節慎庫主事

三月丁卯檢討張緒為湖廣布政使右叅議

乙巳安徽歙縣大雨雹

辛未吏部內計奉上升黜如議惟戶部主事桑志道工部主

事周玉御史謝瑜如貪酷例削籍刑部主事朱執中落職出

考功上

壬申祈年朝天醮五日

丙子震秦州地震

丁丑和川王府奉國將軍克灼潞城王府鎮國中尉俊振等

行劫奪歲俸

戊寅吏部擬京堂自陳當罷者 上特留右通政顧可學以

藥餌也

壬午內計拾遺工部尚書鄭紳南戶部尚書周金工部右侍


郎陸杰南戶部右侍郎張聽太常寺卿劉臯南光祿卿張袞

並罷右僉都御史王儀光祿寺卿陳煥南侍讀學士華察左

國權

嘉靖二十四年

八



司直郎謝少南並調外逮兵部左侍郎張漢少以諸生侍
上藩邸故寵賜甚厚恃恩不法數通苞苴前請總督斬將立
威上銜之至是吏科都給事中盧勳等數其罪下獄戍于
鎮西衛

癸未左副都御史周煦卒江西吉水人進士痛母許氏抱節
以沒既貴衣食少甘美流涕卻之曰吾母未嘗享此也著三
窮圖倫述先世孤苦贈刑部右侍郎

賑應天


飢

都御史黃鐘勸夷情還朝

戊子南京禮部右侍郎徐問為南京戶部尚書南京太常寺
少卿蔡子舉為通政使河南按察使孫錦為右僉都御史巡
撫宣府大理少卿蘇祐為右僉都御史巡撫保定

辛卯諭東宮冠禮秋行之

南京刑部郎中唐侃卒江南丹徒人正德癸酉進士令永豐
以治理稱遷守武定值章聖梓宮南祔從闈橫甚侃先置
空櫪于旁舍及諸人索賄佯許之引指櫪曰吾已待死矣錢
不可得也以是著節少師丁璣嘗曰須使此心無愧神明
壬辰江西左布政使盧蕙山東左叅政傅鳳翔並為右僉都



御史蕙巡撫遼東鳳翔巡撫甘肅
謫兵部武選司後先清黃主事項喬鄔閱熊過何中行顧紳
賀府牟朝宗葛縉以司吏畢文舉等盜冊妄增功并鈐偽璽
冒襲千戶侯泰等三十八人至是奸敗故喬等陞任皆調外
餘罪有差

四月癸巳朔福建左布政使姜儀為右副都御史巡撫湖廣
保定副總兵都督同知周徹為總兵官鎮守薊州

乙未 上閔歲荒嚴諭戶工二部加惠賑卹并治貪殘
丙申尚寶司少卿嚴世蕃為太常寺少卿署尚寶事

丁酉前工部右侍郎韓士英為南京戶部右侍郎

戊戌兵部尚書唐龍提督團營

壬寅命司禮太監溫祥駙馬都尉 刑部左侍郎喻茂堅

錦衣衛指揮使袁大章按楚獄蓋巡撫車純巡按伊敏生以

英燿弒逆聞

癸卯巡撫應天丁汝夔為左副都御史

己巳雨群臣表賀


丙午戶部左侍郎閔楷為尚京禮部尚書

增陝西岷州隸鞏昌府

國權

嘉靖二十四年

十



戊申定前失事宣府罪總兵邵永降鎮薊州巡撫王儀降調

己酉停工部鬻爵事例

裁大同副總兵并免姜夔

丙辰刑部署郎中趙文華為通政左叅議

戊午戶部右侍郎夏邦謨為左侍郎撫治鄖陽右副都御史

歐陽必進改總督糧儲巡撫應天

己未起趙卿署都督僉事提督西官廳

庚申命內使行人往賻朝鮮

停浙江江西刷卷歲災故

五月壬戌朔日食

甲子南吏部郎中薛應旂調外初嚴嵩銜南京科給事中

王燁之首劾也令尚寶司丞諸傑東應旂斥之應旂以白尚

書張潤止之而傑故南京兵部主事有貪跡至是斥又常州

知府符驗前南御史也被調于是福建道御史桂榮劾應旂

私怨斥其鄉郡守上以考察不欲變第謫應旂

乙丑逮巡按直隸御史何維栢論嚴嵩奸邪宜罷嵩疏辨以


禮部右侍郎盛端明諳藥陛下自問其姓名而謂臣薦之


右叅議顧可學進秋石方書寓臣所曾請別館居住而謂臣

國權

嘉靖二十四年

七





奏之云 上慰留嵩逮維柏

己巳工部尚書樊繼祖光祿寺卿陳煥南京刑部右侍郎郭
持平並免太僕寺卿毛渠調南京左春坊左庶子郭希賢調
外南科拾遺

辛巳吏科給事中李文進御史趙炳然往宣大山西覈嘉靖
十五年後邊費

右副都御史任維賢撫治鄖陽

甲戌遣內官封朝鮮國王世弟李皓為王

丁丑夜月食

庚辰罷宣府提兵官卻永趙卿代鎮

癸未誅楚世子英耀礫護軍徐景榮等三十六人斬長史孫

立承奉王憲張慶

乙酉災傷停順天今年刷卷

戊戌故提督兵部尚書翟鵬卒于獄直隸撫寧人正德戊辰

進士

設邊曰翟鵬習兵事其在宣大即未能逐虜亦無豐敗投

荒徒布可也老填獄戶又非其本罪從厥衛致之條侯嘆

獄吏之貴有由餘涕矣

國權

嘉靖二十四年

十三

免太原平陽潞安旱災田租

己亥加大同歲餉十五萬四千二百五十三金

庚子進河南歸德州為府增商邱縣割睢州考城柘城隸之
其寧陵鹿邑虞城永城如故

免保定河間真定順德廣平大名旱租

辛丑上御無逸殿諭禮部尚書費宗太廟禮儀既從舊諸
樂章器物四祭歲祫亦如之罷大禘之禮

壬寅御史馮懋卿言太廟初成不可遣祭上以遣代係舊
制再言者罪之


乙巳御史周冕言太廟告成乞秋期親享上怒其抗旨下
詔獄謫

設遷曰太廟及仁壽宮先後俱災太廟以五載成仁壽宮
近不過百則臣工趨事意可見也上深宮靜攝時親舉
玉趾于雷壇玄極間而祖宗陟降未歌穆之章將天
人異觀乎

壬子提督宣大提兵官右都督張鳳仍提督西官廳軍務

乙卯免延安鞏昌平涼鳳翔慶陽西安旱租

丙辰吏部尚書熊浹諫止仙筭上以章示嚴嵩代為解



已未定太廟位次 太祖中馬左四序 成宣憲睿右四序

仁英孝武

大享殿且成名皇乾殿 藏神版

發太僕寺十四萬四千金市馬于直隸河南山東省

七月辛酉朔奉安 皇祖列聖帝后神位于太廟遣官代

吏部尚書熊浹滿六年考進太子太保

壬戌廷臣表賀詔赦天下

甲子詹太監高忠錦衣指揮僉事陳準馬廣王朝張陽並百

戶成國公朱希忠百戶進嚴嵩太子太師許讚少傅張壁太

子太保工部尚書甘為霖少保禮部尚書費家太子少保兵

部尚書唐龍太子太保錦衣衛都指揮同知陸炳督都僉事

餘陞賞有差

制勅房通政司張雷進工部右侍郎

辛未應天府丞王學益浙江右布政使蕭一中並為右僉都

御史學益巡撫貴州一中巡撫四川

丁丑工部右侍郎文英子詹文思院副使至是乞加詹改鴻


臚寺序班工科給事中張元冲以梓人難之不聽

戊寅前刑部左侍郎葉相卒

國權

嘉靖二十四年

十四



庚辰聞虜聚東勝州勅各邊嚴備

辛巳嚴嵩請寬何維柏獄維柏在道久嵩不測 上意以嘗
上竟廷杖

癸未成國公朱希忠以廢錦衣百戶移其弟錦衣指揮同知
希孝許之進希孝都指揮使視事

乙酉提督兩廣右副都御史張岳以廣東封川叛種廣西馬
平來賓叛種請討從之

丙戌西海虜酋整克款甘肅乞從內地督撫酌之
令宣大總督駐陽和城便節制

丁亥以朝鮮人航海失風流上海命歸之金砮等十一人

虜入延綏犯安塞保安副總兵李琦戰不利

戊子祀漢太守廉范宋 崔與之于成都之四賢祠

庚寅南京右僉都御史傅烱還院河南左布政使張時徹為


右副都御史巡撫宣四川

八月辛卯朔進朱希忠崔元嚴嵩俱少師

癸丑廣寧衛地震如雷

己卯故祭酒陳敬宗謚文定

丙辰左春坊左司直郎呂懷為南京司業



虜入遼東長勝堡殺守備張文瀚

戊午直隸龍門衛地震

建州右衛酋李撒赤哈屢患邊至是被擒梟于塞上


馬房草場火

虜犯大同中路提督翁萬達以故提兵張達將右戰鉄裏門虜卻故叅將張鳳將左戰鶻峪殺傷大當虜忽曰南軍不數百我以數萬返何以復軍乃圍鳳戰死磁人王邦直興化成諧俱諸生驍武從軍提大刀獨殺數十人鬥沒虜氣奪南下陽和萬達身禦虜伏兵白登村提兵官周尚文來援未及

六十里鼓噪虜遁宵邦直有絕力能舉千斤兼通設略事母

極孝慷慨赴義有國士風給事中 薦于兵部檄送提督

翁萬達客遇之虜入大同萬達計其必經陽和而鶻峪要區也以叅將張鳳往邦直副之果攻峪亟鳳等以強弩射卻之攻益衆邦直躍馬直前分衆結方陣拒之射皆^命中死七騎胡騎益合圍鳳見殺或勸創邦直遠營歎曰至午得援兵雖傾國來不足禦矣因奮擊而屍擁其前不克展乃棄大刀提鉄簡四擊漸困知不免大呼曰天也拔佩刀自刎邦直雖死所殺傷凡五六百人虜懼退事聞贈指揮僉事廕子世千戶



諧贈指揮僉事子世百戶立祠于陽和

嚴嵩言王牒事宜第一冊有摠圖而備載天潢世系所以表帝王之統合同氣之親今宗派蕃衍仍用前制不惟紙狹難備而字跡微眇不無遺漏混淆臣等竊倣古史年表之法以橫格分代列名氏其上各派子孫遞書于下庶世次不紊一覽可見又當以帝系為宗統如懿文太子秦晉二王不敢以加成祖之前又雖係長出但既殤追封如悼恭太子岳懷王哀冲太子不列于圖前所以尊帝統也又壽春王仁祖之先南昌諸王太祖之兄舊列于帝系之前今移置于本支之後謹上帝王世系摠表

九月甲子禁陵祭官託故代行御史黃如桂言之

乙丑光祿寺卿及官為南京右副都御史提營操江


丙寅吏部郎中劉塾為右通政令于各部司選用毋得循資

調補

戊辰遼東長勝堡指揮王勳孟儒嘗匿逃夷及虜入寇詔殺逃夷冒功事泄奪摠兵趙國忠職立功

己巳陶仲文往太和山祝醮

庚午復太廟時享四孟朔



旱災詔浙江江西湖廣河南田租折徵

辛未復逮楊爵周怡劉魁于獄

壬申禮部尚書費案請留用儀制郎中周琬祠祭郎中高簡
臣方賴之又大理評事孫學思假嚴嵩之名求出使臣執不
與學思嵩之私人也多机警好以萋菲中臣以孤危而失
此二臣助愈難自立矣曰乞休 上以托指攻訐切責之時
上微覺嚴嵩橫張壁死思用夏言案故善言而不能得嵩意
故偵之

丙子發帑四十萬金分各鎮防秋

丁丑勅召大學士夏言遣行人張鍊往促之

吏部尚書熊浹擬刑部郎中翁大立補文選郎中吏科都給
事中楊上林言大立傾險上責吏部奪浹等俸三月

已卯朝天宮秋報大醮六日

甲申前遼東巡撫孫禴降調光祿寺卿

丙戌復故摠兵張鳳原官

己丑何卿為署都督僉事摠兵官提督東官廳


十月壬辰先是大同平虜威遠玉林渾源陽和山陰各草場火

摠督翁萬達疑其奸適科臣覈邊邏卒于胡峪口獲闌穴者

國權

嘉靖二十四年

六



王儀云虜酋青台吉俾入山陰縱火既代府和川王被盜詞
連襄垣王國中尉充燉等所司拷其家僮不承第云分人
縱火草場于是捕治其客李錦等云奉國將軍充灼及充燉
等八人勾虜不軌先焚積聚也會充燉等所勾虜者衛者衛
俸等四人闌出塞獲之事聞誅儀遠充灼等下詔獄翁萬達
言大同春隘祿食不給且地邊胡易生反側請量遷和川昌
化等于山陝就食而襄垣初自蒲州徙宜還本封禮部議止
徙和川昌化等報可
癸巳作琉球河橋發帑五萬金

甲午諭停刑

禮科給事中查秉彛上言宗藩議封祿

河南山東山西王府
擇地散處毋專聚一

方重恩典

按會典斟酌
刊定章程

肅閩教

各藩設有樂院宜
申私婚押錫之禁
杜交結

土豪投
獻庄田

飭藩度擇王官

上從之

戊戌巡撫湖廣車純免初藩變求去不許至是薦各司二十
餘人謂避難市恩也

己亥勞山西宣大三關吏卒十萬金


庚子免大同旱災田租


壬寅成山伯王洪卒

國權

嘉靖二十四年

九





丁未吏部尚書熊浹奉俸六月初南京戶部員外郎焦希程
坐草場火降調南京吏部題實授官悞列希程浹等覆如之
致詰責

戊申貴州龍里衛長坡山等苗作亂

壬子增綏德守備米脂把總各一

乙卯陝西左布政使龔亨為右副都御史巡撫河南

丁巳夜火星犯氐宿

許代府輔國將軍表相嗣交城王初表相祖交城王鍾鏐薨
再傳至表叔亡子從弟表相求襲屢駁奏不決

戊午進錦衣衛千戶許瑒一秩故江西副使許達子至是錄許達守樂

陵功

十一月庚申朔奉皇宮于大玄殿設醮

編修郭朴為侍讀檢討黃廷用為脩撰

甲辰給太傅兼太子太傅成國公朱希忠駙馬都尉崔元給

三代贈誥吏部言勲臣爵高公孤止流階尊而兼卑非舊典

上不聽

兵部左侍郎路迎為尚書兼提督團營右僉都御史端廷赦
為左副都御史

國權

嘉靖二十四年

二十

給宣大牧馬二萬八千金每匹一金採草不出塞外

戊申少師大學士夏言入朝進嚴嵩少師言復據嵩上愈驕
凡有所擬旨行其意不復顧問嵩唯不能吐一語心恨
甚故事堂撰言與嵩對案不食大官供而自攜庖甚豐亦不
以及嵩也

己酉封戴培淮世子載堅建昌王厚燿嘉興王厚燾紹興王
厚焄永豐王祐樅順昌王載焞鄭世子頤坦保慶王賓沙汶
川上載封武定王載瑯平度王睦樸儀陽王睦杉會稽王融
焚襄陵王厚燧陽山王恬熾沁陽王恬柝沁水王

辛亥吏部右侍郎王學夔為南京禮部尚書南京大理寺卿
婁志德為右副都御史巡撫山東

甲寅張珊徐自德李珊劉起宗諸葛峴雷賀徐良傳宋伊楊
思忠鈕緯黃宗槩張思誠為給事中蕭世延陳軌任汝謙謝
應徵張英吳相李廷松宋治陳松劉陽王士翹邢尚簡魏希
相馮薦楊順莫如爵並為試御史其賀思誠順治廷松如爵

並南京


十二月壬辰庶吉士林樹聲服滿授編修

癸巳兵部尚書唐龍改吏部尚書

國權

嘉靖二十四年

三



命濬南京後湖

甲午祈雪

庚寅巡撫四川張時徹總兵官都督僉事何卿攻白草

都指揮丁勇以六千人進石泉游擊龔銳以四千人進壩底

曹克新以三千人進龍州

錦衣衛都督僉事陸炳為都督同知巡捕都指揮使袁大章

為都督僉事俱緝捕功

丙申覈虛銜及雜流牙牌

戊戌大霧川兵銜枚先發奪走馬嶺連敗之擒叛番李保等

斬一千有奇俘五百餘人

庚子裁永州撫民通判

壬寅給事中李文進御史趙炳然報宣大邊費奪巡撫詹榮

曾銑等俸三月前巡撫史道樊繼祖等閑住削籍有差

浙江昌國衛指揮僉事馬光等失守遣戍署都指揮僉事李

釜詐報降秩海門衛指揮使朱恩貪縱下獄俱巡按御史高

懋劾奏


前太子太保兵部尚書劉天和卒湖廣麻城人正德戊辰進

士授南京禮部主事拜御史按秦忤鎮閣廖堂逮獄謫金壇

國權

嘉靖二十四年

二十三



丞屢遷守湖州歷山西副使太常少卿進撫甘肅陝西總河
歷總督三邊有軍功入本兵有文武略閑住必見稱其治水
防邊尤著所作輕車強弩乘沙量水諸器皆水利也贈少保
謚莊襄


贈義民賈得山西平主簿正德中盜劉宸等攻西平得山從
縣王佐力戰三日夜殺數百人城陷死舉家沒三十七人


丙辰寬南京鋪戶

丁巳 為吏部右侍郎

罷湖廣總制以事屬貴州

朱國楨曰川廣湖接境無之非苗川則酉陽為蔽勢不相
及雖屬湖廣道里甚遙難于節制去貴甚近兼攝頗便然
貴土瘠民貧方仰給外省其勢甚弱自保不暇安能制苗
乃發十五年已設之總督而歸并于貴皮林之役又以四
衛屬之窮山獨坐之人責之伸手百里外撲久聚之盜窟
可不可乎自武昌而上抵貴州名山大川限隔數千里苗
猶自戀其穴豈無追者游奕上下輒起悲中間無一重臣
作鎮氣勢何由聯絡號令安得流通若開總府于沅以貴
之銅越川之歸夔楚之衡永辰常等府隸之兵自足用與





以楚稅十三川稅十二就中即之以三之一濟貴裁川貴
雲之下際楚江吳之上游前將漢中後引兩廣百貨流
通節宣有法不但諸苗俯首聽命而湖山大盜亦資彈壓
柰何聽其日虛日敝視若甌脫置之度外貴日取給予楚
楚亦益憊無救于貴至今相仗則謀國者之悞一夫而萬
有餘喪也

平涼人賈某自號大王流劫涇郿指揮吳嵩誘執其兄弟五
人移獄鳳翔盜劫去久之獲誅

國權

鹽官設遷孺木著

嘉靖二十五年丙午

正月己未朔上拜天玄極寶殿出御奉天殿受朝賀是日雪

丙寅松滋王寵列薨

戊辰兵部右侍郎萬鏜為左侍郎

庚午大理寺卿劉訥為吏部右侍郎

撫寧侯朱岳命提督西官廳總兵官聽征

癸酉元夕宴群臣午門外

國權 嘉靖二十五年

丙子慶元王祐据薨

己卯沅江土舍那鑑殺叔土知府那憲奪其印詔討之

庚辰通倉米價改京衛軍給予京倉不為例

分遣刑部郎中等官郵刑京省

南京龍江右衛指揮僉事蕭永以祖籍永平乞調原衛不許

命自今求外者勿聽

甲申工部請遣官徵外省逋課 上閔歲災第檄往

丙戌御史周冕請東宮講學 上怒其擅議謫雲南通海典史

吏部覆薦遺佚工部尚書張拯兵部侍郎劉源清等三十人

上以拯等黜當其罪餘又年老非才俱寢

上魯番馬黑麻速檀據哈密求入貢許之其求地內遷不許

二月戊子朔止江器陶器一年

己丑築大同長城總督翁萬達與巡撫詹榮議曰今堡塞雖

備而外拒守必得長城長城必有臺利于旁擊臺必置屋以


處成卒近城必築堡以休伏兵城下數留暗門以便出哨自

陽和至宣府李信屯舊無城自了角山至陽和舊有塹或城

而不固于是議通築補故創新凡三百餘里敵臺暗門如制

東路邊牆鉄裹門鷓鴣峪瓦窰口

國權 嘉靖二十五年



壬辰益陽王睦楮薨

癸巳巡撫山東右副都御史婁志德卒

乙未集宣大援兵

停各處募丁惟河南山東民兵訓練候調殺大同鎮羗助馬

二堡守備官拒牆拒門二堡操守官

戊戌行聖公孔聞韶卒子貞幹嗣

朝鮮攝國事李峴送通夷者六百十三人 上義之其人俱

漳泉下巡按福建御史訖治

癸卯春祈大典行于雷霆洪應殿

封代世子廷琦

壬子南京戶部尚書閔楷總督糧儲都御史劉渠劾免

封川縣徭賊平進總兵泰寧侯陳圭太子太保提督右副都

御史張岳兵部右侍郎賜金幣

癸丑戶部尚書陳經改禮部尚書巡撫江西右副都御史虞

守愚為大理寺卿

三月戊午朔增甘肅高臺千戶所


虜入甘州中衛都指揮僉事周廣等罪戍

庚申逮巡按湖廣御史包節成肅州時承天守備太監寥斌

國權

嘉靖二十五年

三



橫甚節欲繩之語泄斌因候節謁陵遠徹膳誣節麾出之庄
民訟斌庇奸豪周章等以指揮黃恩邵勳收章下同知范昕
訊治章死斌遂訊節元旦不謁陵又麾膳大不敬而節奏後
至後節罪遂逮節昕恩勳等節永成昕恩勳各戍邊


徐學謨曰承天為龍潛之地其守璫故驕恣部使雅欲抑
之為朝廷存三尺也然體亦吾敵耳不可先有成心且包
節以元旦次日謁陵而又刑斃其私人廖斌之罪雖在不
赦而節之自處毋乃太疎乎
甲子永禧仙宮成醮謝九日停刑禁封


總督陝西兵部右侍郎張珩為戶部尚書提督倉場兼理西
苑農事戶部左侍郎夏邦謨為南京戶部尚書巡撫甘肅傅
鳳翔移江西

乙丑前撫治鄖陽右副都御史詹瀚總理河道順天府尹高
擢江西左布政使何鰲並為右副都御史擢提督南京糧儲
鰲巡撫山東

江南太倉州海盜平

戊辰四川白草番作亂攻陷平番堡偏頭關執把總邱仁殺
百戶耿爵巡撫王大用副總兵高岡劾免署都督僉事何卿





領副總兵官分守松栢潘

丙子起張經兵部尚書總督陝西三邊軍務巡撫陝西何相
改河南山東布政使左叅政楊博為右僉都御史巡撫甘肅
前刑部尚書高友璣卒浙江龍游人弘治庚戌進士授南京
刑部主事歷撫大同安重有操不避權幸居家布蔬終其身
年八十六

已卯左都御史周用滿九年考加太子少保

癸未賑兩淮灶民

乙酉起任惟賢南京刑部右侍郎河南左布政使謝蘭為右

副都御史巡撫陝西

四月戊子廣陵王陵覘薨

庚寅總督陝西張珩言臣先備虜十二月虜踏冰不能入
上責其無事言功仍徧諭各督撫

辛卯王維熊嗣成山伯

已未巡撫山西兵部右侍郎曾銑總督陝西三邊軍務

丙申山東左布政使葉照為右副都御史撫治鄖陽

戊戌河清王安涸薨

兵部定招降賞格

國權

嘉靖二十五年

五

庚子前廣西署都指揮僉事萬表為署都督僉事總兵官提督漕運鎮守淮安

辛丑陝西布政使左叅政楊守謙為右僉都御史提督鴈門等關兼巡撫山西

甲辰前署都督僉事張達充副總兵官協守宣守

丙午潁州大雨雹損麥禾

庚戌群臣表賀靈雨

五月丁巳洮州地震

癸亥安南都統莫福海卒

乙丑安平侯方銳卒贈太保謚榮靖子承裕嗣以 皇后濟

難功不為例

授磁州王化燭守禦千戶所正千戶 邦直之子

逮鎮江知府林華以擅徵赦後贖鍰掠死多人已削籍

丙寅南京右春坊右中允李本改左中允

戊辰南京刑部右侍郎任惟賢前撫治鄖陽疏留鄖陽知府

柯實卿蓋貪酷見劾者至是吏科都給事中楊上林并劾惟


賢免官

延綏隱敗兵科給事中鮑道明御史曹邦輔核上逮總督張

國權

嘉靖二十五年

六



珩巡撫張子立提兵吳瑛叅將楊銳各治罪珩子立戍邊瑛
銳立功

虜俺荅阿不孩遣使保免寨款大同左衛求貢九白駝九白
牛白馬及金銀謂各一講好申前約邊卒狙石天爵事仍殺
使者三人報首功提督翁萬達上言虜情雖秘第當謹備王
者待夷狄來則勿拒今歸我漢人玉林衛百戶楊威遣彼族類懇求
通款借曰不許猶當善其詞說乃誘而殺之此何時也曲既
在我且彎弓報怨請亟正法榜之塞上明非朝廷之議兵部
竟議貸罪第嚴兵待之報可

辛未少保工部尚書甘為霖劾免

壬申盛甲啟火

癸酉河南右布政使張問行為右副都御史巡撫延綏

發六萬金賑延綏

甲戌右僉都御史傅炯為左副都御史

湖南岳州知府陸邛為太僕寺少卿

壬午起前南京太僕寺少卿朱廷立為右僉都御史


甲申南京左都御史王以旂為工部尚書太常寺卿潘瓊為

戶部右侍郎

國權

嘉靖二十五年

七



七月丙戌朔土魯番馬黑麻速檀貢馬

宥大同游擊戴昇張文懿山西都指揮僉事潘棟守備寧武
關雷澤神池堡高宗泰率將賈英死戍邊立功

丁亥巡按廣西御史馮彬請大征獠兵部以廣西獠人半
之獠人三之民居二之事難卒舉下撫按集議 上是之

戊子張經高擢劾免

庚寅廣昌縣大雨雹

前太子太保刑部尚書張子麟卒直隸藁城人成化甲辰進士
壬辰服闋祭酒王道為南京太常寺卿


癸巳兵部尚書路迎被劾免

甲午總督右都御史王睟為戶部尚書總督倉場兼理西苑
農事大理右寺卿楊宜為右僉都御史提督南京糧儲

辛丑增陽和兵備副使

辛亥前吏部左侍郎兼學士董玘卒字文玉浙江會稽人弘
治乙丑進士授編脩忤瑾謫成安令補刑部主事改吏部瑾
誅復官進侍講歷諭德侍講學士詹事博學能文性峭直佐
銓絕請託多賈怨坐聞喪落職已事白贈禮部尚書謚文簡

禮部尚書陳經改兵部尚書提督團營



壬子刑部左侍郎喻茂堅為右都御史總督漕運巡撫鳳陽
閏七月乙卯朔遣祭先聖歷代帝王陵墓

戊午霖雨不止諭吏部革弊政戶部賜銀米賑卹
增貴州解額五人

京師大雨雹


己未吏部尚書唐龍削籍廣東道御史陳九德劾前吏部文
選郎中高簡貪縱下簡獄杖戍吏科都給事中楊上林給事
中徐良輔先不糾正事敗上章俱削籍切責龍除名左右侍
郎徐階韓邦奇鐫二級

壬戌宣武門外天寧寺建壇聚衆命錦衣衛捕治仍下禮部
禁榜天下

甲子左都御史周用為吏尚尚書

侍讀學士郭朴右春坊右中允孫隆主試應天

乙丑虜犯宣府北路龍門所叅將董麒不即報遽擊斬三十
餘級明日守備陳勛戰死擊游呂陽戰三日敗歸宣府游擊
將軍呂陽以營兵屯新河口叅將董鎮分守北路相會議出
塞襲擊李家庄諸虜至其巢斬三十餘級還會大雨虜追及
兵不能戰遂敗麒懼先入塞陽亦間關獲免守備陳勛死焉



失騎百餘人事聞麒麟等俱抵罪

丁卯戶部尚書王果條財用十事有旨漕糧減折各邊奏乞者不得妄許山場湖陂官稅屬王府者勿擾奪曠役工食亦免追餘如議行

戊辰逮遼陽清河失事指揮孫洸等十一人

總督翁萬達俺荅阿不孩求貢番文令再詳詰兵科給事

中徐自得極言虜不可信兵部覆亦如之令再詳詰

癸酉故太子太保吏部尚書唐龍道卒字虞佐浙江蘭谿人正德戊辰進士令鄴城拜御史出按雲南江西言事著績歷

總督陝西勞績尤著稱一時才臣以刑部尚書終養復起南刑部尋改兵部加太子少傅轉吏部乞休削籍出都門三十里卒有司莫敢以聞晚詿悞削籍後子脩撰汝楫奏復原官贈少保謚文襄


文徵明曰公少從學章文懿之門得淵源學優行端為文章謹嚴典重有左氏先秦風精詣宏肆號稱作者駁歷中外隨試輒效名望偉然而西師俘馘之功為多謚曰文襄謂公足以當之矣


甲戌南苑醴泉出廷臣表賀禮部尚書費霖上醴泉頌

國權

嘉靖二十五年

十





進翁萬達右都御史兼兵部左侍郎總兵大同官右都督周
尚文進太子太保左都督餘各陞賞俱以邊牆功
乙亥南京兵部尚書宋景為左都御史戶部右侍郎劉訥為
左侍郎
虜犯保安慶陽大殺掠總督曾銑遣叅將李珍出塞夜襲之
斬百十一級捷上巡按御史盛唐言敗狀 上命覈之
已卯作宣大火器
貴州黎平野犬沿城夜吠明年五開軍譁
荊門州黃陵陂左一山高十數尋一夕忽失之成平地

八月庚寅甘肅天鼓鳴

左春坊左中允 右春坊右贊善吳山主試順天

壬辰前太子少保南京戶部尚書周金卒江南武進人正德
戊辰進士授戶科給事中九載彈劾不避權貴敬中歷外勞
績甚著贈太子太保謚襄敏

俺荅由青泉堡入寇宣府北路靈川守備易綱聞警以數十
騎馳至永鎮堡據險射之游擊將軍陳言介而馳寇少卻綱
跳入言軍請請身為鋒遂同進赤城守備戴綸又以家丁邀
擊被掠人畜逐出塞而還

癸巳加封真人陶仲文神霄紫府闡範保國弘烈宣教振法
通真忠孝真秉一真人掌道教事工部帶俸尚書盛端明顧
可學並為禮部尚書

戊戌流星大如斗自中天流西南行至近濁

巳亥平虜衛地震

壬寅脩築京城九門雨損者

裁邊將奏帶人數

丁未舉秋報大典醮朝天宮三日

壬子免畿內山東水災田租

陝西保安縣歲貢生任時上所撰道學叅兩貞明圖其說不
經下法司斥革

虜犯鎮原縣東北石家堡大殺掠


九月丙辰南京工部尚書胡訓改南京兵部尚書

丁巳吏部擬戶部主事王尚學禮部司務李世德調本部不
許命如嘉靖十七年詔毋更調啟

巡撫南贛汀漳右副都御史顧遂為南京刑部右侍郎

定捕盜賞格

癸酉起范鏊右副都御史巡撫河南



貴州銅仁等司及湖廣鎮筭諸苗復叛

甲戌柳州馬平等賊平進泰寧侯陳圭太保

己卯免鳳陽淮安宿州水災田租

庚辰吏部右侍郎韓邦奇為右都御史工部右侍郎文明為

左侍郎召南京戶部右侍郎韓士英于工部起服闋光祿寺

卿為通政司

辛巳虜犯錦義明日大至圍叅將周益昌以指揮鍾世威援

至夾擊斬三十餘級俘二人

甲申廣東左布政使朱紉為右副都御史巡撫南贛汀漳

丁亥虜犯清平堡游擊高極中伏死

十月戊子南京太常寺卿王道為南京戶部右侍郎

辛卯金星晝見

癸巳奉國將軍克灼及俊桐克焮克焮俊櫟俊棣俊棠俊振


俱伏誅餘罪有差

丙使侯章論棄市以毋支解侍兒投甕中也

甲午論囚五十八人首建昌侯張延齡摠督薊遼軍務兵部

侍郎胡守中等

丁酉巡按山東御史張鐸進銅銃砲大小彈大彈七百步小



及八百步鉄鎗彈及四百步

辛丑祭酒王用賓前南祭酒黃佐俱為少詹事兼侍讀學士

壬子兵部右侍郎劉儲秀改吏部復歐陽德南鴻臚寺卿

十一月乙卯泰安王厚熜薨

己未巡撫河南范鏊為兵部右侍郎

令邊人殺降冒功即梟示毋逮入京

乙丑南京戶部右侍郎王道改禮部右侍郎署祭酒

錄擒叛功進周尚文太保廕錦衣正千戶翁萬達右都御史

廕國子生詹榮兵部右侍郎餘陞賞有差

丁卯令洮河西寧歲積餘茶減價易金

辛未延津人李應時奏入其女弟許之初李拱辰進女官錦

衣正千戶子應時效之

徐學謨曰宮女必由諸王館選法至詳密茲不由公選而


以私進此律門也已非感世事而女之真偽亦難辨也當

時不聞言官諫沮而禮部更為請日未免上累聖德

辛巳開甘肅河西屯田甘肅巡撫楊博議新開永勿賦其

開而仍荒蠲十年

癸未寧夏地震



十二月庚寅宣府叅議劉珂蘇志臯戶部郎中劉棟陳楮寶坐
清餉鑄三級

癸巳張岳陞刑部右侍郎仍總督兩廣柯相仍巡撫河南

甲午禱雪于洪應殿

己亥大雪表賀


庚子總督陝西兵部右侍郎曾銑上脩牆復河套二策其後
套曰秋高馬肥弓矢効利彼聚而攻我分而守此虜利而中
國誑之時也及冬深水枯分帳散牧馬無宿藁入春益弱我
厲兵秣馬乘便而出此中國利而虜誑之時也今宜練卒六
萬益以山東槍手二千多脩矢石交春夏具五十日餉擣其
巢材官驟發礮火雷激虜不能支歲為之出虜勢必折出套
恐後矣因 祖宗之故疆並河為寨築城分戍講求屯政中
興之大烈也兵部難之謂復套非所易言即脩邊延綏袤千
五百餘里三年竣事何銳也 上壯銑策令更議之發二十
萬金資脩邊治兵馬初仁和呂生殺人亡命套中三年盡得
其險易虛實圖之謂套不難于攻而難于守以說銑、慄銳
喜事大善之

乙巳巡撫延綏張問行引疾除名調山西巡撫楊守謙代

國權

嘉靖二十五年

十五



湖廣守備太監廖斌進皇庄銀劫于新鄉責河南巡撫柯相
戴罪捕盜逮巡按御史侯度布政司叅政常時平按察僉事
劉佐衛耀知府李用和新鄉知縣侯東等于鎮撫司侯度不
勝拷卒

丙午江西省祭官繆進賢言 獻皇帝之國泊舟小孤山題


詩神祠錄上之命立碑亭

丁未歐陽德為太常寺卿

免開封歸德水災田租

賑延綏慶陽飢

己酉封廷柯代世子厚熹漢陽王載塋寧陽王載塘玉田王
健楸東甌王健楸翼城王順封高密王載燮慶雲王表相交
城王勛澤宿遷王偕瀾樂平王陸楫內鄉王
辛亥光澤王寵讓薨
壬子許南京祭酒國子監太常寺博士預考選



國權

嘉靖二十六年丁未

正月甲寅朔 上不朝

虜犯永昌副總兵蕭漢禦之敗績

庚申左都御史宋景平字以賢江西奉新人弘治乙丑進士

守睢州改御史累進今官練達國體端亮著文臣節贈太子

少保吏部尚書謚莊靖


乙丑陝西左右布使孫繼魯為右副御史巡撫山西

國權

嘉靖二十六年

一

國家圖書館, NATIONAL CENTRAL LIBRARY, TAIWAN, R.O.C.



丙寅吏部大計降斥有差

戊辰延綏報虜入犯請止宣大之戍從之

己巳署都督僉事戴濂為總兵官鎮守遼東

庚午賜徽王厚燭太清輔玄宣化忠道真人金印

壬申太子少保吏部尚書周用卒字行之江南吳江人弘治

壬戌進士授行人拜南兵科給事中遷廣東左叅議歷河南

右布政使以右副都御史鎮南贛入臺遷吏部右侍郎轉左

下除南刑部右侍郎尋長南院歷刑工部尚書里居十年起

摠漕入內臺改吏部歷典銓雅著文行方位統鈞天下想望

丰采乃遽失之再司內外察公平自持歷官四十餘年不以

家自隨贈太子太保謚恭肅予祭葬

甲戌江防摠兵官沈希儀改副摠兵鎮守廣西

遂定將領生自川廣雲貴留用其地不得推入京營西北邊


著為令

丁丑山東左布政使胡宗明為右副都御史巡撫遼東

己卯責尚寶司卿席中等遺牙牌四東寧伯彰武伯永順伯

并燕山左衛指揮僉事各奪月俸

庚辰刑部尚書聞淵改吏部尚書



辛巳南京工部尚書胡訓滿六年考進太子少保

巡撫順天郭宗舉請止減京兵分鎮陞賞屬夷忤旨免官

二月癸未朔吏科給事中胡賓劾胡宗順拾遺漏網上怒其

抗命謫

戊子永康大長公主薨

己丑吏部左侍郎兼學士孫承恩署翰林院事張治主禮闈

山西階州地震

丁酉工部尚書王以旂為右都御史湖廣按察使孫應奎布

使政左叅議丁汝夔為右僉都御史應奎巡撫順天汝夔巡

撫河南

壬寅禮科給事中陳棐以劾諭朝覲官作十箴 上責其比

並制書謫

甲辰召南京刑部尚書屠僑于刑部工部左侍郎文明為工

部尚書

裁南京糧儲都御史歸于戶部并裁巡倉御史二之一

三月乙卯兵部左侍郎萬鍾為南京刑部尚書南京工部右侍


郎屠楷為左侍郎

初乙巳十月王魯番馬黑麻納款火者阿力克等八百餘人

國權

嘉靖二十六年

三



延入甘州有詔議五年貢期傳送五十人留三百餘皆阻回

海西虜款塞求市不許

壬戌耀州獲虜謀何萬良等五人

乙丑戶部左侍郎趙廷瑞改兵部巡撫寧夏李士翔調為大理寺卿

理寺卿

丙寅策貢士胡正蒙等三百一人賜李春芳等進士有差

丁卯巡撫四川張時徹劾免

癸酉撫治鄖陽都御史葉照被劾引疾去

丁丑貴州礦盜平

乙卯時久旱上祈雨立應

庚辰代府棗強王聰滋費

土舍虜近塞總督陝西曾銑擊斬二十七級俘一人

四月壬午朔總理河道右副都御史詹瀚為刑部右侍郎陝西

布政司左叅政王邦瑞為右僉都御史巡撫寧夏巡撫雲南


右僉都御史應大猷改四川進右副都御史


丙辰總督宣大翁萬達請移山西兵防大同巡撫山西孫繼

魯爭之交章上聞竟逮繼魯獄

乙未淮府德興王祐捷薨

國權 嘉靖二十六年





山東汶上縣妖賊平

丙申戶部右侍郎潘璋為左侍郎南京右副都御史及官為

戶部右侍郎

巡撫保定蘇祐移山西起于港右副都御史撫治鄖陽

金星畫見

癸卯太僕少卿吳章為右副都御史大理左少鐸周鐸太僕

少卿李仁

並為右僉都御史

章巡雲南鐸提督操江仁巡撫保定

撫

乙巳前吏部尚書羅欽順卒江西泰和人弘治癸丑進士授編修歷今官未赴致仕操履純粹研精性學患時流虛誕作

困知記辨禪悟之學近理似是而斥其毫釐千里之謬贈太

子太保謚文莊

董其昌曰先生束髮登朝以扶世覺民為己任嘗坐蒲

即

團拈公案與老衲同叅見所謂清淨法身者乃知無善無

惡之旨果與詩之秉彛書之恒性辨其毫芒灼然不爽此

困知錄之所謂為作也

四川白草番賊平

丁未東閣試庶吉士 上自命文曰原心詩曰善為寶

已酉封永妃徐氏

國權

嘉靖二十六年

五

定庶吉士元思謙汪鏜孫黎澄張居正胡杰莫如士謝登之
藍壁張勉學蔡文任憑士任有齡張思靜陳一松劉溼毛起
孫世芳馬一龍林熾李遇元般士儋胡曉趙堂馬三才朱文
紹劉錫李敏孫哀吏部左侍郎兼學士張治徐階教習
虜俺荅遣李爵復求款貢乞耕具墾塞外田云北部小王子
吉囊把都兒俺荅為雄今小王子庭直遼東吉囊直陝西把
都兒直宣府俺荅直大同許之貢則諸邊俱靖時脩邊未訖
俺荅戒毋犯曰但許通貢築垣亡傷也總督翁萬達巡撫詹
榮搃兵周尚文以聞有旨虜詭詐不許其益治兵蓋夏言主
復套故力誣其說

日本使臣周良等來貢凡四百餘人舟四艘以非期發海外
畧山泊一年候貢


五月丙辰令邊方守令精選進士舉兼任之并行于川廣雲貴
丁巳戶部尚書王果滿六年考太子少傅

署都督僉事周于德為搃兵官提督江淮巡捕

庚申夏言考滿特授繼孫朝慶尚寶司丞

壬戌起侯綸南京戶部右侍郎

丁亥吏部右侍郎劉儲秀為左侍郎禮部右侍郎王道改吏



部右侍郎

廣東左布政使胡松為右副都御史摠理河道
賞曾銳卻虜功賜金幣有差

戊寅摠督翁萬達乞遣戶部官核脩諸邊費 上以萬達區
畫已詳不必遣

己卯南京太僕寺卿歐陽德改太常寺卿署祭酒

六月庚辰朔建謝典于吳賜仙宮七日


山西朔州大風晝晦如夜

李兆龍劉祿馬錫張侃張鍊申炘程時思徐沛鄭惟誠俞鸞

萬文彬為給事中程其學張志學王楠吉來獻劉時進劉鳳
張登高龔震德董威張淑勵史戴德鄧威劉應熊李一瀚周
大有溫景葵徐紳趙勳為試御史文彬惟誠秉德來獻紳鳳
勳並南京

靖江王邦寧以弘治十六年祿本折兼支非祖制訐巡按御
史錢嶸徐南金按察使葉照僉事潘恩筮死侍衛請正其罪
否則削髮不復入邸下廷議遣刑部郎中張祉錦衣衛千戶
萬文明往訊

丁亥太子少保禮部尚書費采加太子太保



庚申裁廣東瓊州叅將

南京守備太監邱得請復直廳軍六十人南京給事中雷賀

御史方克等劾其本江彬黨減成孝陵費用又妄請隱占遂

仍成孝陵

丙申四川馬羅番寇平

丁酉四川左布政使王崇慶為南京太常寺卿

戊戌災傷免鳳陽淮揚夏稅

己亥德府高唐王厚燭薨

庚子雲南提太子太保黔國公沐朝輔卒贈太保益恭僖

提督陝西曾銑言延寧大虜壓境臣徵莊浪魯經以三千人

屯蘭州備援乃甘肅提兵仇鸞巡撫楊博不聽調遣命奪鸞

祿六月博倖四月

癸卯復巡撫浙江蕪轄福興泉漳提督軍務時海上貴勢家

積通倭負其貨遂相構爭守臣不能制巡按御史楊九澤請

重臣巡視

戊申鄭王厚烷言宗室赴京奏事亦非得已昏親王郡王規


利阻尼有十歲未名終身不嫁娶者宗子日盛支日子窮其

宗室犯法者罰所統親郡王祿米命下禮部徧諭諸王

國權

嘉靖二十六年

八



麻陽苗破湖廣辰州執叅將楊欽

七月癸丑陝西總兵官王縉移寧夏

丙辰兵部尚書陳經滿六年考進太子太保

丁巳巡撫南贛汀漳提督軍務朱紈改浙江兼福興建寧漳
泉海道

八月庚辰前工部尚書少保甘為霖卒富順人嘉靖癸未進士

守荊州歷工部郎中值郊廟山陵之役敏給能集事傾校甲
倭不七年至宮保雖一時濫恩亦捷徑致之嗜利寡耻上
中年不朝時徇于賄工部為霖兵部張瓚禮部嚴嵩吏部許

讚皆黷甚清議鄙之

丙戌免鳳翔鞏昌西安慶陽災租

壬辰禮部尚書徐階子璠鄉試倩人事泄被縛而逸監試御

史 奏入南京吏部主事楊豫孫急足報階先密疏辭廢


旬日御史奏至竟不問

丙申宣大主兵餉屬郎中客兵餉屬守巡道多影沒至是巡

按御史黃如桂言之命主客餉皆屬郎中仍命給五路通判

銅章

己亥秉一真人陶仲文滿六年考授特進光祿大夫柱國兼



大學士倭廕子世恩尚寶司丞

壬寅勒禮部尚書右侍郎許成名崔桐少詹事王用賓黃佐

致仕以覲吏部左侍郎給事中呂時中徐霽劾之奪吏部尚

書聞淵俸六月文選郎中張舜臣等下獄贖職

甲辰太子太保兵部尚書陳經太子少保南京兵部尚書胡

訓被劾自免

廣寧伯劉綎卒

戊申前少保武英殿大學士賈詠卒家鳴和臨頴人弘治丙

辰進士授編脩忤劉瑾調兵部尚書主事改禮部員外郎瑾

瑾誅復原秩至入相素醇厚家居二十餘年壽八十四贈太

保謚文靖

九月壬子編修教銑為侍讀

丙辰左都御史王以旂為兵部尚書提督團營巡撫河南丁

汝夔為吏部右侍郎

巡視京營給事中查秉彝請獎勞撫寧侯朱岳署都督僉事

沈俊叅將李俊趙國忠 上以無例不許

丁巳湖南貴州苗積亂流劫沅州麻陽清浪殺沅州衛百戶

陳恩等切責搃督王學益巡撫姜儀搃兵白泣李熙各停俸

